



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiae Imperialis S. Maximini

Zyllesius, Nicolaus

Treveris, 1638

23. Leonis IX. Pont. Max. Bulla Data Indictione IV.

urn:nbn:de:hbz:466:1-14268

Leonis IX. Pont. Max. Bulla Data Indictione IV.

LEO Episcopus Seruus Seruorum Dei, Ecclesiæ in honorem Sancti Ioannis Euangelistæ, Sanctique Maximini Confessoris in suburbio Treuorum specialiter dedicatæ, & præterea Theoderico Abbati, suisque Successoribus, Monachis etiam inibi Deo famulantibus salutem & Apostolicam benedictionem. Sacri Apostolatus ordo, & Sanctæ Romanæ Sedis pia deuotio id semper exigit à nobis, vt vigilanter Ecclesiarum sollicitudinem gerere, & utilitates famulorum Dei dignè prouidere debeamus in omnibus. Idcirco propter amorem Domini, & ob petitionem dilectissimi filij nostri Henrici videlicet, Imperatoris Augusti Ecclesias & Villas, ad victualia Monachorum in præfato Cœnobio Deo famulantium specialiter pertinentes, nostræ Apostolicæ auctoritatis priuilegio ad vsus illorum, prædecessorum nostrorum more confirmare decreuimus. Volumus itaque, & sacre primæ sedis auctoritate sancimus, vt in Ecclesijs, villis ac possessionibus, quæ ad præbendam prædictorum Fratrum à Regibus, & Imperatoribus Dagoberto videlicet, ac Pippino, Carolo, Ludouico, Arnulpho, Henrico, Conrado, & à tribus Ottonibus, siue à præfato filio nostro charitissimo, Henrico scilicet Imperatore Augustissimo, concessa vel attributa sunt, nullius personæ magnæ vel parvæ violentiam patiantur, sed victum inde atque habitum consequantur, hoc est Apula, Schwabenheim, Brincisheim, Euernisheim, Heinsinesheim, Vehinsheim, Scheringesfelt, Bubenheim, Alfontia, Basinbach, Siemera, Mamendal, Narheim, Luesderouorf, & de his Ecclesijs, Gozoluesheim, Albucha, Weldenstein, Wanheim, Flanheim, Nufum, & de Villa Gundershaufum, alijsque ad eam pertinentibus, id est, Ruosbach, Holtzhausen, Daffendal, Sueppenhausun, & ex his locis Riuenacha, Leouum, Gracho, Decima Vallis cum suis pertinentijs, Mayrchidith, Billiche, Keriskee, Dalcheim, Bislee, Wilre, Druhdildinga, Mambra, Murmiringa, Ecclesia in Steinfela, Diedenhoun, Wimareskircha, Berge, Crufta, Luterensdarra, Tauena, Lindiche, Merfche, Bisanga, & quæ infra & extra Ciuitatem Metis in domibus, aut vineis, agris aut areolis habent, quæve in pago Bengouue, his in locis Ratheresdorff, Bustat, Franckingun, Ebno, vel Meisbrath possident, aut quæ iuxta Massam fluuium in Carmiringun & fractura, aut in pago Eiffela, his locis Vahisheim vel Lieznich ad idem Monasterium pertinent, Curtem etiam quandam vocabulo Prichina in pago Einriche sitam, quæ, sicut eisdem fratribus præfatus dilectissimus filius noster, Henricus videlicet Imperator Augustus ante aliquot annos abstulit: Ita in nostræ Apostolicæ auctoritatis patrocinio commonitus reddidit. Et ne quis ea ulterius à præbenda fratrum cuiquam præstando subtraheret, suo præcepto firmavit, Nosque vt idem faceremus deuotissimè postulauit, quatenus iidem fratres de prædictâ Villâ, alijsque ad eam pertinentibus sagimen interdum habeant, & secundum præceptum sanctæ Regulæ hospites suscipiant, & infirmorum, debiliūque curam agentes peregrinorum ac pauperum vsibus fideliter inde deseruiant, femoralia etiam, ac mantelas, & mensalia ad vsus necessarios inde percipiant. Igitur vt iidem fratres prælibata losa cum omnibus pertinentijs suis, & omnes totius Abbatie Ecclesias cum Decimis, dote, dotalibusque ad ipsas pertinentibus, & cunctas salicas decimationes, quas in vsus hospitem, peregrinorum ac

pauperum concedimus sub eorum cura teneant, & iuxta suum arbitrium securè, quietè, & pacificè possideant, diuinâ obtestatione, & hac nostrâ Apostolicâ confirmatione taliter illis roboramus, vt nullus Imperator, nullus Rex, nullus Abbas, nullus Dux, nullus Comes, aut vice Comes, nullâ Ecclesiasticâ dignitatis, vel mundanæ conditionis magna, paruaq; persona alicui libero homini, siue alterius Ecclesiæ vel Domini famulo, vel ministro aliquid inde præstare, vel à præbenda fratrum quoquomodo abalienare præsumat, sed iuxta id, quod sanctæ Apostolicæ Sedi Iure subiectum esse debet, & sub Mundiburdio Regum & Imperatorum constat, absque omni contradictione ad vsus Monachorum perpetualiter pèrmaneant, Si quis autem (quod absit) nefario ausu præsumpserit hæc, quæ, vel à nobis, aut alijs Prædecessoribus nostris S. R. Ecclesiæ Pontificibus sanctissimis ad laudem omnipotentis Dei pro stabilitate iam dicti Venerabilis Cœnobij statuta sunt, infringere, aut in quoquam violare studuerit, ex autoritate omnipotentis Dei per interuentum Beati Petri Apostolorum Principis, cuius vice fungimur, & nostræ humilitatis Apostolicæ constitutione anathematis vinculo inextricabiliter innodamus. Dat. XVII Kal. Februarij per manus Vdonis Sanctæ Apostolicæ Sedis Cancellarij & Bibliothecarij, & Tullensis Pinnicerij, Anno Domini Leonis IX. Papæ II. Indictione IV. Incarnationis Domini MLI.



24.

*Henrici III. Imperatoris Datum Treuiris, Anno
MLVI.*

IN nomine sanctæ & indiuiduæ Trinitatis. Henricus diuinâ fauente clementiâ Romanorum Imperator Augustus. Si Ecclesiis vel Cœnobiis diuino cultui mancipatis alicuius patrocinii vel defensionis solatium aduersus insolentiam perfidorum vel malignorum hominum præbuerimus, diuinitus nos, proculdubio, remunerari confidimus. Quapropter fidelium nostrorum tam presentium, quam futurorum magnitudo comperiat, qualiter nos ob amorem Dei & per interuentum Carissimæ Consectalis nostræ Agnetis Imperatricis Augustæ, nostrique filii dilectissimi Henrici Quarti Regis, crebram & importunam querimoniam Theodoricæ Reuerendi Abbatis de Cœnobio Sancti Maximini benignè suscepimus de multis scilicet oppressiõibus, quas familia S. Maximini patitur, ab Aduocatis & Comitibus eam defendere magis, quam dissipare vel affligere debentibus, quæ non solum antiquis legibus destituta, sed ita potius in feruitutem Aduocatorum est omnimodis redacta, vt non quasi regalis siue regie

dotis